

## **Ebe onuzi-eva ni iPọlu o kẹkẹ ghi ẹgbọ ITesalonía Eni e miesuo**

<sup>1</sup> Mhẹmhẹ iPọlu ali iSalasi ali iTimoti anye ri ebe ona ghi igbaa oyi eni e mie iJesu iKirisiti suo ni o la eke iṬesalonika, ni e khi ẹgbọ eyi Ẹshinẹgba Ita awa ali iJesu iKirisiti Onomhufe.\*

<sup>2</sup> Mhi lema Ẹshinẹgba Ita awa ali iJesu iKirisiti Onomhufe e mhufe isomhelemhi na e, e ri opfomhẹ na e.

### *Ikphẹmhi ali Iromhi isosọ*

<sup>3</sup> Inyoghuo, anye mema ya ke tse Ẹshinẹgba uwegbe na e ẹghẹghẹ kpa. O ti ni anye ke ligho, irari khi irudunga oyeẹ oọ fu sho ẹghẹghẹ kpa. Inono ni a mhufe na egbe oọ fu sho. <sup>4</sup> Lọli o ze ni anye ro re e la iteva igbaa nya eyi eni e mie iJesu iKirisiti suo eyi Ẹshinẹgba a neta omose. Eri anye re e neta omose itobo abi a li dobe ri obo mu udu migha irudunga oyeẹ elemhi okholi ali imufe nya ni a mu vule shi e o.

<sup>5</sup> Enana nya e rokhase khi ezọ oyi Ẹshinẹgba o migha shi ipfuase. Itobo igho Ẹshinẹgba o ya leli e shi eni e te o, ni e ya lo iloghie oyoli ni a me osoli e shi. <sup>6</sup> Ẹshinẹgba o ya gbe azeba, o ya ri osoli fali eni e na e osue ota. <sup>7</sup> O ya ri iyemhea na ee ni a me osue, o gbo li ri oni iyemhea na anye. O ya riele ona

---

\* **1:1** Li ze Ika 17.1

ini iJesu Onomhufe o da feli lasele shi idane elemhi avuere, loli ali igeni eniemhi eyoli. <sup>8</sup> O ya na egbo ni ea lese Eshinegba osue, ali eni ea ri usomhi onete oyi iJesu Onomhufe gbe akanya. <sup>9</sup> E ya me osue. E ghu tiemhi ilimhi irierie. A rue we odalo oyi Onomhufe ali ufumhi oniemhi oyoli le.† <sup>10</sup> Ele ni a ya me ona khi, ogbele ni Onomhufe o ya bhale, ni eni e ri udu nga li e ri ikueghie ali ekpe na li. Li shi ee lo, itobo khi a she mie ungmehi ni anye gueye e su.

<sup>11</sup> Loli o ze ni anye roo so iromhi na e, Eshinegba o ze ni a li khi eni e ya la agbo ni oo ghole oli. Ali o ri ekpabo eyoli ri ugbamhi onete ni a mholi bhale ya tse na e, li shi onete ni irudunga oye e o re e ri e. <sup>12</sup> Itobo okhale oyi Eshinegba oyawa ali oyi iJesu iKirisiti Onomhufe oyawa, a ya rue ufumhi ghi eva oyi iJesu Onomhufe oyawa, o li ri ufumhi ghi e.

## 2

### *Ona okholo*

<sup>1</sup> Inyoghuo, ingme ibhale oyi iJesu iKirisiti Onomhufe oyawa, ali abi awa li ya kuma li egbe,\* <sup>2</sup> a khi ze ni usamhi oye e o nyanya ghagha ku ni a yila. Ini ogbokhoghuo o ririe khi imeke loli me, okekhi usomhi ona ke o guele, okekhi eri oo khi ebe ni anye keke ghi loli lue rote ze oli khi ogbele oyi Onomhufe o she bhale, <sup>3</sup> a khi ze ni ogbokhoghuo o te ode okhoghuo di e. Irari khi oni ogbele o ya bhale ini aa li me ukpokpomhi imuokhue-vule shi Eshinegba o ali ini ona umhaso-eso ni o khi ogbo obe o li feli lase gboo, ikhi oni a mheso owa ere

† 1:9 Li ze Aza 2.10 \* 2:1 Li ze 1 iTesa 4.15-17

na. <sup>4</sup> O ya mu okhōli vule shi emhikpa ni egbo ẹ lu Eshinegba, ilita ali emhikpa ni egbo ẹ ga o, o ri egbōli fu doşẹ wẹ nya. O gbo ga vu ya shito Owa oyi Eshinegba oyi Eshinegba o o liẹ khi lōli ke khi Eshinegba.†

<sup>5</sup> Aa ke sato khi mhi gue ingme ena nya yẹ ẹ abi mhi rọ nu ẹ la? <sup>6</sup> Ẹẹ a lẹşẹ emini o zẹ khi aa rōli lasẹle khase ne, ini ẹghẹghẹ oyi ọna okhōlo ọna o da ramhi, a ya rōli lasẹle khase. <sup>7</sup> Ama eni ikhiakhiamhi ekpabọ okhōlo ena e she beleş ẹ gbe ikanya eyewẹ, ama ọni o mu ọli gbaga. Ama ọni ọna okhōlo ọa ya feli lasẹle ini ọni o mu ọli gbaga ọa li lasẹ ode-a. <sup>8</sup> Eghẹghẹ agho a ya ri ọna okhōlo khase, ọni iJesu Onomhue o ya ri ungmehi ni o rōte ọli unu lasẹle pfuse-a. Ugemhi oyoli ini o nyenẹ egbe bhale o ya ga pfuse ọli-a nya.‡ <sup>9</sup> Ọna okhōlo ọna, o ya ri ekpabọ oyi Okphaghie bhale, o o gbe ọnyaloa ẹgbhue ali oshabọ ododa.§ <sup>10</sup> O ri udimhi ododa ni e khōlo di egbo ni ẹẹ pfua. E ya pfua irari khi ẹa lama mie wẹkhi eri e nono igesikia, ni o kha mie wẹ pfuese. <sup>11</sup> Itobọ igho, Eshinegba o rọ ghie ayemhẹ ẹgbhōli ghi wẹ, ni ee rọ mie emini e khi ẹgbhōli suọ. <sup>12</sup> A ya pfa ezọ mu ogbo ni ọa da mie igesikia suọ ne, ni o da mhue oghuemhẹ shi olamhẹ.

### *A migha gbagbagba*

<sup>13</sup> Anye mema ya ke tşẹ Eshinegba uwegbe ẹghẹghẹ kpa na ẹ, inyoghuo ni Onomhue o nono. Irari khi ẹẹ Eshinegba o kpe zẹ ni a ya mie pfuese. Ayemhẹ oyoli o rẹẹ khi eni e pfuse, ali eni e mie igesikia suọ. <sup>14</sup> Rote usomhi onete oyanye,

† 2:4 Li zẹ iDan 11.36; Ezik 28.2 ‡ 2:8 Li zẹ Aza 11.4 § 2:9 Li zẹ iMat 24.24

Ɛshinegba o te lu e shi ona. Eri o lu e ni a ro mhuẹ okemhi shi ufumhi oyi iJesu iKirisiti Onomhuẹ oyawa. <sup>15</sup> Irarigho, inyoghuo, a migha gbagbagba, a mu eni igesikia ni anye sese e mhuẹ abi anye rote itsabo ali elemhi ebe ni anye keke gue oli ye e.

<sup>16</sup> IJesu iKirisiti Onomhuẹ oyawa luẹghuo ali Ɛshinegba Itawa ni o nono ingme oyawa, ni o rote okhale oyoli ri udu shi awa o, ni o gbo ri irudushi ni o ya nighise na awa, <sup>17</sup> e ka ri udu shi e o, e gbo zese e a shi ikanya ali ingmemhi enete.

### 3

#### *IPolu oo, a so iromhi na wewe*

<sup>1</sup> Ni mhi ro gbe oli ukhomhi inyoghuo, a ke so iromhi na anye. A so iromhi ni ungmehi oyi Onomhuẹ o nyanya ke ga asha kpa, ni egbo e gbo mie oli, ni e ri ufumhi ke ghi Ɛshinegba, abi a li mie oli abi o ro la e iteva. <sup>2</sup> A gbo ke so iromhi Ɛshinegba o rue anye obo oyi egbo ebe ali ena okholo lasele, irari khi o a khi ogbokpa o miesuo.

<sup>3</sup> Ama oni a ri egbe e nga Onomhuẹ o khi. O ya ri itoto na e o khukhu e obo oyi ona okholo. <sup>4</sup> Anye regbenga Onomhuẹ khi a riele ali khi a kiele e ke riele emini anye sese e. <sup>5</sup> Mhi lema, Onomhuẹ o ka udu oyele lese inono ni o fune ni Ɛshinegba o mhuẹ ali ni iKirisiti o ree migha egbegbo.

#### *Ogbogbo o ke gbe akanya*

<sup>6</sup> Inyoghuo, anye ri eva oyi iJesu iKirisiti Onomhuẹ oyawa mhese na e, a ti kia na inyoghuo okhoghuo ni o la agbo owaza ni o ya deba osele ni anye e sese e. <sup>7</sup> Ee oyele a lese khi o ti ni a ke li abi anye e li. Anye ea li owaza abi anye ro nu e la,

<sup>8</sup> wẹkhi eri anye mie ọgbọkhọghuo emhi le ni anye a fali ota shi. Eri anye ri ochoghọ gbe akanya, ọpfo o ta anye ghe ẹlẹ ọguota ali ẹlẹ iyọse, ini anye khi ya khi itsua na ọngeẹ tsua. <sup>9</sup> Ọa khi itobọ khi anye ẹa te eni ẹ mhila ẹ ikpaghiobo, anye rọ lighọ ngeli. Eri anye lighọ, ni anye khi irọkhọkhọ ni áá ke deba. <sup>10</sup> Abi anye rọ nu ẹ la, anye gueye ẹ khi, “Ọgbọ ni ọa lama gbe akanya ọ khi le eminale.”

<sup>11</sup> Eri anye ngme ona itobọ khi anye suọ khi ẹgbọ eghuo e la ẹ iteva ni ẹa lama gbe akanya, ni ẹa ya li emhikhọghuo ama ikanya eyi ẹgbọ elese ẹẹ sọno unu ke pfueche-a. <sup>12</sup> Anye ri eva oyi iJesu iKirisiti Ọnomhue mhese na ẹgbọ eghoghọ, anye gbo tse agua yewe e ke ngeli angeli ni o te ode. E ke gbe akanya ni e te me emhi ya ke le. <sup>13</sup> Ama ẹẹ inyoghuo a khi ze ni onete iriele o susu ẹ.

<sup>14</sup> Ini ọgbọkhọghuo ọ la ọ ni ọa ya ri omhese ni a keke shi ebe ona gbe akanya, a lolo to ọgbọ oghoghọ okpe. A khi kugbe ọgbọ oghoghọ ọ, ni omama o mu ọli. <sup>15</sup> Ama a khi ngeli deba li abi obe ẹ, ama a ri ochoghọ tse agua ye ọli abi inyoghuo.

### *Ingmemhi ni e kpe ukhokho*

<sup>16</sup> Ọnomhue luẹghuo ni ọ khi ode ofomhe oyawa ọ ka ri ofomhe na ẹ eghẹghe kpa ali ode khi ode. Ọnomhue ọ ka nu ẹ la.

<sup>17</sup> Mhemhe iPolu mhi ri obọ oyemhe keke ebe ona ghi ẹ. Mhi tse ẹ. Ina mhi lie keke eva oyemhe shi ebe ni mhi keke kpa. Ina mhi lie keke ebe.

<sup>18</sup> Okhale oyi iJesu iKirisiti oyawa o ka nu ẹ la nya.

**Ebe-No-Pfuasẹ Ishobo Onogbo**  
**New Testament in Ivbie North-Okpela-Arhe**  
**(NI:atg:Ivbie North-Okpela-Arhe)**

copyright © 2012 Wycliffe Bible Translators, Inc.

Language: Ivbie North-Okpela-Arhe

Translation by: Wycliffe Bible Translators, Inc.

**Copyright Information**

© 2012, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

Printed book ISBN 9789789194797

**The New Testament**

in Ivbie North-Okpela-Arhe

**© 2012, Wycliffe Bible Translators, Inc. All rights reserved.**

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2019-08-09

---

PDF generated using Haiola and XeLaTeX on 11 Nov 2022 from source files  
dated 29 Jan 2022

03be06b0-68fd-500b-b9a9-6bca4b63979a